

Чи пагъливан



24-майдиз Каспийск шегьердин Къ.Къурамегмедован тваруних галай спортдин дворецда ушу-саньдадай Дагъустандин чемпионат кыле фена. Ахцегъай тир вичин 6 йис хъанвай боец Муса Рагъимовакай (ам Нурамет Муталибован хтул я) ана Дагъустандин чемпион хъана, мубаракрай!

Каспийск шегьердин патай экъечИзавай адан заланвал 20 килограммдиз барабар я. Гележегда адакай олимпиададин чемпион жеридак умуд ква.

РД-дин АХЦЕГЪ РАЙОНДИН ОБЩЕСТВЕННО-ПОЛИТИЧЕСКИЙ ГАЗЕТ



ШИЙ ДУЬНЬЯ

Ахтынская районная общественно-политическая газета

“НОВЫЙ МИР”

1928-йисалай акъатзава. №22 (8990) арбе, 28-май, 2025-йис.

Къимет 10 манат 12+

РЕСПУБЛИКА ДАГЕСТАН «АХТЫНСКИЙ РАЙОН»
СОБРАНИЕ ДЕПУТАТОВ МУНИЦИПАЛЬНОГО РАЙОНА

РЕШЕНИЕ

14 мая 2025 г.

№VII-СД-48-4

Об утверждении музыки к тексту гимна МР «Ахтынский район»

В соответствии со ст. 9 Федерального закона от 06.10.2003г. №131-ФЗ «Об общих принципах организации местного самоуправления в Российской Федерации», ст. 4 Устава МР «Ахтынский район», Собрание депутатов МР «Ахтынский район» **решило:**

1. Утвердить музыку к тексту гимна муниципального района «Ахтынский район» согласно приложению.

Опубликовать настоящее решение в районной общественно-политической газете «Цийи дуй-

нья» (Новый мир) и разместить на официальном сайте МР «Ахтынский район» в информационно-телекоммуникационной сети «Интернет» <https://akhtymr.ru/>

Настоящее решение вступает в силу со дня его официального опубликования.

Глава МР «Ахтынский район»
А-К. ПАЛЧАЕВ

Председатель Собрания депутатов МР «Ахтынский район»
М. АЛИСУЛТАНОВ

Эхиримжи зенгинин сувар!

Алай йисан 24-майдиз Ахцегърин ва райондин вири хуьрерин школайра эхиримжи зенг ягъуниз талукъарнавай шадвилин линейкаяр кыле фена. И серенжебра школайрин коллектив-рилай, диде-бубайрилай, мугъманрилай гъейри гъакI райондин администрациядин ва образованиедин управлениедин векилри иштиракна.



Къил-ди къачун хъайитIа, лишанлу и юкъуз «Ахцегъ район» МР-ди кыл Абдул-Керим Палчаев РФ-дин Игит Мегъамедали Мегъамеджанован тваруних галай Луткунрин СОШ-диз мугъман хъана. Ада кIватI хъанвайбуруз кIелдай йис кутягъ хъун вичин

лайхлу граждана хъун патал чалишмиш хъухъ. ВикIегъвилелди вилик вач, умуьрда агалкъунар къазанмишиз чалишмиш хъухъ, яшайишдин четинвилерикай кичIе жемир. Куьн куь вилик эцигнавай мурадлив агакъ авун патал алахъа! Чун квехъ кIевелай инанмиш я! Чна куьн хъсан пеше-кара яз хайи райондиз хтун гуь-злемишзава, – къейдна райондин регъбер А-К.Н. Палчаева.

КIвалахиз кIанзавач, вучиз?

РЕДАКТОРДИН ГАФ

Ахцегъа ял ядай багълар, спортмайданар эцигдайла, рикIел алама, бязибуру кимерал ва кIватI хъайи маса чкайра гъукум-дарриз сагърай лагъана кIани чкадал «Исятда абурукай вучда? Инсандиз, эвелимжи нубатда, кIаниди гъилиз мажиб къведай зегъметдин чкаяр я. Недай фу-кIафун, тандал пек-партал, хизанда агъвал-къулайвал хъайила, анжах ахпа рикIел ял ягъун, кефер, спорт къведа» – гафар эзбердай. Гъахъни я жеди, амма гъар са кардиз вичин вахт, ийир-тийир ва къайда ава. Гъукуматдин гъар жуьре программайра иштиракуналди паркар, стадионар, школаяр, садикар арадал атана пара хъсан хъана, сагърай!

Ингъе, гила маса вахт я, талукъ тирвал, маса месэляяр гъялзава. «Ахцегъ район» МР-дин кыл Абдул-Керим Палчаеван регъбервилек кваз гъукуматдин программайра, гъакI ватан-перес, жумарт ватандашрин хуси инвестицияр желбуналди районада халкъдин яшайишдин, хуьруьн майишатдин производ-стводин метлебдин кIвалахар активнидаказ гъиле къунва. Баркалла, пара къадар сагърай!

Аквазвайвал, райцентрдин куьчер тротуарарни жеривал гегъеншарзава. Абуру цийи килелай асфальтламишун патал хъвадай цин трубайрин, дигадай ва ахвахъдай ятарин хуларин къурулуш тукIуьрзава. Республикадин «Ахты-Рутул» авто-трассадин участок ремонт хъийизва. ГъвечIи куьчейрани къир цазва, йифен эквер куькIуьрзава. Машгур кьеле, дарман ятарин гъамамар реконструкция хъийизва. Рутулрин Лалаан дередай хъвадай цин цийи трубопровод гъизва. Калун участокда супер интенсивный багълар кутазва ва икI мад. Са чIалал, къадим Ахцегъар дагъдин надир шегъердиз ухшамшдаказ аваданламишзава. Им чна къимет эцигуналди тебрикна кIани, гъарда вичелай алакъдай са кардал куьмекна кIани вахт я.

Гъелбетда, вири и крари, къайгъуйри рабочий гъар жуьре пешекаррин гъилер истемишзава. Зегъметдиз килигна, вацра

50-100 агъзур манатдив агакъна мажибарни гузва. Иллаки ЖКХ-дин, хуьруьн майишатдин, рекъер-хулер тукIуьрунин къурулушдин пешекара (фялеяр, устIарар, механизаторар, шофъ-рар, сварщикар) герекзава.

Чиди хуьруьн майишатдин чка я къван, бубайрилай ирс яз атанвай багъманчивиликай рахайтIа, алай вахтунда Ахцегърин Калун участкада, винидихъ лагъайвал, цийи багъ кутазва. Багъманчивилин виликан машгурвал, Ахцегърин ичерин бренд арадал хкун, шаксуз, пара хъсан кар я, баркалла, берекатлу хъурай! Ана къелемар цун патал 55-60 кас фялеяр кIанзава. Четин кIвалах туш ва махсус вердишвилер герекзава: къелемар трактордал гъазурнавай фурара акIурзава, сифте ятар машиндал гузва, ахпа стIалдин дугунин къайда жеда. Гъакъи зегъметдин нетижайриз килигна гузва: гъар са къелем кутун (им 3-4 декъи-къадин асанта кар я) – 10 манат. Йикъа лап асантадиз 250 къелем кутаз жеда – им 2500 манат, 20 юкъуз – 50 000 манат.

Хайи ватанда михи гъавадал, гуж алачир суваб кIвалахдай хуьруьн чкада ихътин мажиб низ ава?! Амма, тажубдин кар я, рикIивай кар ийидай ксар Ахцегъай жагъизвач. Яраб себеб вуч ятIа? Вири тух я, динж я жеди. Са патахъай, икI тестикъаризни жедач. Муькуь патахъай, нянихъ, йифиз куьчедиз экъечIайла аква-

да хъи, гзаф жегъилри хуси машинраваз гъерекатзава, ял ядай багъларани кофе хъваз кафеяра ава. Чпихъ галаз ихтилатна аш-кара жезвайвал, диде-бубадин нафакъадални (иждивение) пенсия-пособийрал алай абуруз чандал гуж акъулдай кIвалах ваъ, са къаравулчивал кIанзавайди я: гъиле телефон аваз, чай хъваз, ацукъна вахт акъуддайвал.

Алайди СВО-дин четин вахт я къван, эверзавайвал, Ватан хуьн патал РФ-дин яракълу къуватрихъ галаз дяведин контракт кутIуникай стIун рахадач (гъелбетда, гъахътин къегъал рухва-ярни ава, абур чна тебрикзава), вучиз ятIани чи арада гъатта са йисан «срочный» къуллугъдикай кыл къакъудзавайбуруни тIмил туш. Вучиз икI жезва? Якъин, жаваб хизандин, школадин тербиядин месэлада акIизва.

«Чи жематди, иллаки кстах-даказ чIехи хъанвай жегъилри кIвалахдач, абур зегъметдиз къабил туш» лагъайла, хиве къан, зун ягъадачир. Гъайиф хъи, гъакъикъат гъа ихътинди я. Къейдин, чкадинбуру кIвалах тавуникди, гъиле къунвай кар, гъелбетда, энгел жезвач. Паталай къвез кIани фялеяр гзаф ава. Куьне фикир гузватIа, чи эцигунрин объектрал асул гъисабдай кIвалахзавайбуру гъабур я. Амма, «жери кьве кепек пул жу-вандаз хъуй» лагъана, райондин руководство чкадин устIарарни фялеяр къаз, яни чи жегъилар зегъметдив вердишар хъийиз кIанз алахънава. Амма абуру хайи хуьре кIвалахун айиб яз гъисабзава жеде. Килиг садра, ина жуваз цал-кIвал эцигун, хайи хуьр аваданламишун, багъ-бустан кутун, мал-хеб хуьн айиб я (гаф атай чкадал лугъун, чина сифте къакъатнавай пешеярни нехирбанвални чубанвал я), амма Урусатда гъатта вакIар хуьнни кутугнава. Гъайифдин крар я!



патая рикIин сидкъидай мубаракна. Жегъилрихъ вилик квай имтигъанра агалкъунар хъун ва абур чпиз рикIиз кIани пешейрай ВУЗ-рик акатун вучин мурад тирди лагъана.

– Малум тирвал, школада мягъкем чирвилер къачуни квез анаг куьтягъайдалай къулухъ инкивал гузва. Къуй квез виридаз умуьрда кIани крар хъурай. Куьн чи чIехи Ватандин – Россиядин

Шадвилин мярекатда школа куьтягъзавай жаванрин адресдиз хуш келимаяр гваз гъакI РУО-дин начальник Х.Эльдаров, школадин директор З.Мегъамедов, УВР-дай завуч Ф.Мустафаева, гъвечIи классрин муаллимар тир Жасмина Гъамзаевани Х.Агъмедова, 9-11 классрин руководителарни, аялрин диде-бубаяр экъечIна рахана. Мяркат эхиримжи зенг ва рикIел аламуькдай шикилар ягъуналди куьтягъ хъана.

Дагъустандин ВРП-ди тарихдин рекорд яна



Вич Кавказдин инвестфорумдал ТАСС-дин интервьюда РД-дин Гъукуматдин Председатель Абдулмуслим Абдулмуслимова Дагъустандин тарихдин цийи рекордикай хабар гана. ИкI, адан гафаралди, Дагъустандин ВРП-ди са триллион манатдин сенгер-дилаз элячIуналди, 2024-йисан нетижайрай рекорд яна. Тарих-


дин рекорд алатай йисуз федеральный центрди терев хуьналди ва республикадин гъукумдин вири органрин руководствойрин кIвалахунин нетижада яна. «Чиди аграрный республика я. Чи экономикадихъ ва вилик финин рекъихъ (концепциядихъ) вичиз хас тир лишанар ава. Валовый региональный суьрсетдай экономикадин аграрный секторди 20 процентдилаз гзаф къазва. Къейд ийин, алатай 2024-йисуз Дагъустан Республикадин региондин валовый суьрсет тарихда сифте яз са триллион манатдилаз алатна. Им чун патал тарихдин рекорд, гзаф метлеб авай кар я», – къейдна Дагъустандин кабминдин кили.

ЧЕХИ ГЪАЛИБВИЛИН – 80 ЙИС

Ватан хвейи Исмаиловрин стхайриз баркалла!

Дашдемир ШЕРИФАЛИЕВ

Чехи Гъалибвили 75 йисан суварин вилик, рикел алама, чун Шагъабас Исмаилован хва Александр Исмаиловыхъ (1946-2020) галаз гуьруьш хъанай. Философиядин илимрин кандидат, РД-дин образованиедин лайихлу работник, яргъал йисара Дагъустандин илимрин академияда ва ДГУ-да философиядин кафедрала квалалахай, 180-далай виниз илимрин квалалахрин автор, чехи гъарфунилай тир зурба педагог, кьени кылихрин ватанперес инсан тир адахъ галаз ихтилат вичин рагъметлу бубадикай, хизандикай ва Ватандин Чехи даяедин активный иштиракчий хъайи кьегъал имийрикай кватна. 74 йисан уьмуьрдин баркаллу рехъ атланвай Александран вилериз, гъайиф хъи, экв ахквасмачир. Ятлани, хайи райондин ва республикадин общественный крайикай, жегъилриз ватанпересвили тербия гунин месэлайрикай кьерех хъун адаз чидачир. Александр Шагъабасович 2020-йисан 21-майдиз 74 йисан яшдаваз коронавирус азардик кечмиш хъана, рагъмет хъурай!



Чехи Гъалибвили 80 йисан юбилейдиз, Ватан хуьвайбурун йисаз ва Исмаиловрин игит стхайрин экъу кьаматриз бахшзавай и макъала чна гъа члавуз Александр Шагъабасовичахъ галаз хъайи суьгъбетрин ва Исмаиловрин баркаллу хизандин хуси архивдин документрин бинедаллаз кхъена.

Къейдин, Ватандин Чехи даяедин йисара Ахцегъ райондай 3500 далай артух жегъилар фронтдиз фена, абурукай анжах 580 кас чпин квалериз хтана. Са Ахцегъай фронтда хъайи 2360 касдикай 1780 да Ватан патал чанар гана. Абуру халкъдин рикел эбеди авун патал даяе куьтягъ хъайи 20 йисалай (1965) Ахцегъа Дагъустандин районра сифте яз Баркаллувилин зурба обелиск хкажна. Райондин гъатта хизанралди даяедиз феи дуьшуьшарни пара хъана: Ватан хуьн гъарда вичин пак буржи яз гъисабзавай.

ИкI, Ахцегъай Таироврин хизандай 8 стха (Абдулгъай, Эбейдуллагъ, Абдулкъадир, Азим, Гамдуллагъ, Исмаил, Мавлудин, Зейдуллагъ), Дагълароврин хизандай пуд стха (Абдулатиф, Абас, Абдулмежид), Пашаеврин хизандай 3 стхани 2 вах (Сейфедин Сулейман, Буньям, Набисат, Тайибат), Абдулменафан рухвар-стхайр Мегъамедшефи, Хайирбег, Хайируллагъ, Эмин, Къакарин хуьрай Исмаиловрин чпикай и макъалада ихтилат физвай 6 стха даяедиз фена. Эхъ, акъалтIай жуьртлувилелди жегъ чуьгуна душмандихъ галаз Ахцегъ райондин векил аскерри. Къве агъзуралай артух ксар женгерин орденризни медалриз лайихлу хъана. Абурукай кьвед – лётчик Валентин Эмировни разведчик Гъазрет Алиев Советрин Союздин Игитвили тIварцIиз лайихлу хъана.

Вичикай ихтилат физвай къаьлуви Исмаиловрин хизандин кьисметдал хквен. Инай Ватандин Чехи даяедин фронтдиз феи ругуд стха вири сагъ-саламатдиз, хурудал гъалибвили орденарни медалар алаз хтун гъаькиятдани пара тажубдин кар я.

1975-йисан 15-июндин «Известия» газетда кьейд авурвал, «Яшлу Урмуз дидедин рухвайриз даяедин чпин гъисаб ава: 21 орден, 40 медаль, 14 херни 4 контуж, бе-

денрикай хкудиз тахъана амукай 50 хъитреп ва душманрикай азад хъувур шудралди шегъерар...».

– Рагъметлу зи чехи буба Азизагъадизни баде Урмузиз 6 хвани 2 руш хъана: Исмаил, Тажидин, Шагъабас, Нагъи, Наби, Нурудин, Зулейхани Нинегуьль. Чехи хизандин кьил Азизагъа аялар тIуьнал таъминарун патал датлана чура-чуьлда гъилер къабарламишуниз мажбур тир. Ада гадаяр вичихъ галаз колхоздин квалалахрал тухуз, зегъметдивни вердишардай. Асул гъисабдай, квалале аялриз ватанпересвили дуьз тербия гайиди ва пагъливанар хътин рухвар фронтдиз рекъе туна, абуру кьаршиламиш хъувурди игит диде, зи баде Урмуз я... – суьгъбетнай Александр Шагъабасовича.

Исмаиловрин баркаллу стхайрин кьисметдикай куьрелди. Чехи стха Исмаила (1907-1981) Дербентдин педучилище акъалтIарна, хуьре муаллимвиле квалалахзавай, хизан кутунвай итим яз фронтдиз фена. Тифлисдин дивизиядин кьурулушдик кваз Кавказ хуьнин женгера иштиракна. Старший лейтенант, ротадин политрук, адан кьилелни кIвачел залан хирер хъана ва са бубат сагъар хъувурдалай кьулухъ даяедин набут яз ва хурудал «Ватандин даяедин II дережадин» ордени са жерге медалар алаз комиссоватна. Пенсиядиз экъечIалди 30 йисуз Къакарин хуьруьн школада муаллимвал ва директорвал хъувуна.



Залум даяе башламишайла, кьвед лагъай стха Тажицина (1918-2002) даяедилай вилик Дербентдин педучилище акъалтIарна, Агъул райондин са хуьруьн школада завучвал ва директорвал ийизвай. Дуьньядин гъалар пайгардик квачирди кьатIай ада 1941-йисуз Буйнаксда пияда кьушунрин училище куьтягъна. Даяе гечIалди са варз амаз ам, младший лейтенант, уьлкведин рагъакIидай патан сергъятдал Белоруссиядиз рекъе туна. Даяеда Смоленский, Волховский, Северо-Западный фронтрин кьурулушрик кваз кьати женгера иштиракна ва са шумудра хирер хъана. Даяедилай кьулухъ Азербайжанда, ГСВГ-да кьулулгъна, М.Фрунзедин тIварунихъ



галай даяедин академия ва высший партшкола акъалтIарна. Полковникдин чиндаваз мотопехотный дивизиядин командирдин заместителвилин кьулулгъдилай отставкадиз экъечIна. Граждан кьулулгъда Баксовета ва Азербайжандин Нархоз институтда кадрйрин отделдин заведующийвиле ва пенсияда аваз Баку шегъердин ветеранрин Советдин председателвиле квалалахна. Адаз А.Невскийдин (1943), «Яру пайдахдин», «Ватандин даяедин I дережадин» (1945) орденар, «За боевые заслуги» (1941, 42, 43), «Кенигсберг кьачунай» (1945) ва маса медалар ава.



Пуд лагъай стха Шагъабасани (1919-1984) чехи стхайрилай чешне кьачуна, Дербентдин педучилище акъалтIарна. Уьмуьрдин рехъ Агъула муаллимвиле, школадин директорвиле, ВЛКСМдин райкомдин секретарвиле зегъмет чуьгунилай башламишай адакай жележегда женгинин полковник, даяедилай кьулухъ государственный ва общественный Чехи деятель хъана.

1939-йисалай хушуналди Яру армиядин жергейриз финалди ада вичин уьмуьр Ватан хуьнихъ галаз алакьалу авуна. Даяедин рехъ лагъайтIа, полковой школадин курсант, отделениедин командир, даяедин политучилищедин курсант, батареядин комиссар ва командир, дивизиядин командирдин заместитель ва штабдин начальник яз, Карелиядин ва Белоруссиядин 1-фронтрин кьурулушрик кваз Заполяръеидайини Норвегияидай ва Польшаидайини Германияидай цIар илитIна, Берлинда бегъем хъана. Машгъур «Катюшайралди» жегъ чуьгувиз, ада шудралди шегъерарни хуьрер фашистрикай азад хъувуна. 1945-йисан 23-апрелдиз залан хер алаз ам Визенталь шегъердин 2865-нумрадин эвакуогоспиталдиз аватна. Ана вичихъ гелкъезвай медсестра Александра Андреевна надал ашукъ ва эвлениш хъана. Са йисалай Германиядин Иена шегъерда абуруз хва Александр (Ватан патал игитвилелди чан

гайи женгинин дустунин тIвар!) хъана.

Даяедилай кьулухъ Шагъабаса Германияда оккупационный кьушунрин кьурулушдик кваз кьукуматдин важиблу тапшуругъар тамамарна. Даяедин лайихлувилерай ам Ватандин даяедин II лагъай дережадин са ва I-дережадин кьве ордендриз, «Советрин Заполяръе хуьнай», «Варшава азад хъувунай», «Берлин кьачунай» медалриз лайихлу авуна ва Ленинан орден гуниз кьалурна. 1947-йисалай граждан кьулулгъдал элячIай Шагъабаса Махачкъала шегъердин компартиядин инструкторвиле, КПСС-дин Рутул райкомдин I- секретарвиле, 1951-54-йисара Москвада компартиядин ЦК-дин ВПШ кIел хъувуна, Дагобкомдин аппаратда, ДАССР-дин министррин Советдин Председателдин заместителвиле кьулулгъна. И жавабдар кьулулгърал адан намуслу зегъмет кьукуматди Зегъметдин Яру пайдахдин, кьве «Знак почёта» ва «Халкъарин дуствал» орденралдини чехи маса наградайралди кьейдна. Запасдин полковник, тарихдин илимрин кандидат, СССР-дин журналистрин Союздин член, ДАССР-дин культурадин лайихлу работник тир ада вичин вири кьуват, алакьунар Ватандин азадвални абавдал патал серфна. Гъавилай кье халкъдини рикел ам общественно-политический Чехи деятель яз алама, тIварунихъ республикадин меркезда ва хайи районда куьчяр гала.

Нагъи Исмаиловани (1920-1989) 1939-йисуз Дербентдин педучилище кIелна, хуьруьн школадин муаллимвиле хтана. 1940-йисуз армиядиз феи ам жергедин аскердилай тупарин батареядин командирвилин дережадиз хкаж хъана. Женгинин рекъикай рахайтIа, хурудал алай «Яру гъед», Ватандин даяедин II дережадин, «Александр Невскийдин» орденрини «Москва хуьнай», «Варшава азад хъувунай», «Берлиндал гъужум авунай», «Германиядин винел гъалибвал кьачунай» медалри шагъидвалзава.



Аламатдин дуьшуьш. 1945-йисан февралдиз фронтда, Магдебург шегъердин патав кьве стха – Нагъини Шагъабас садсадал дуьшуьш хъана. Даяедилай кьулухъ Нагъиди заочныйдаказ ДГУ-дин тарихдин факультет кIел хъувуна ва яргъал йисара адакай Къакарин хуьруьн школадин муаллим, завуч ва директор хъана. Зегъметдин агалкъунрай адаз ДАССР-дин лайихлу муаллимвилин тIвар, Зегъметдин Яру пайдахдин орден гана, ва 1985-йисуз яшлу аскердив 40 йисалай вичин «Ватандин даяедин I дережадин орден» вахгана.

Наби Исмаилова (1922-2019) ахъайиз хъайивал (ам Ахцегъ районда даяедин иштиракчи лап эхиримжи ветеран тир), 1942-йисуз хушуналди фронтдиз фин патал паспорт кьачудайла вич хайиди тир 1923-йисан чка-



дал 1922-йис кхъиз туна. Моздок шегъер хуьнин женгина гъилел хер хъана, госпиталдиз аватна. Челябинскда училище акъалтIарна, танкист яз Минск, Прага, Вена, Берлин шегъерар фашистрикай азад хъувунин женгерин иштиракчи хъайи старший сержант 1947-йисан январдиз хурудал «Яру гъед» орден ва са жерге медалар алаз хайи хуьруьз хтана. Лайихлу пенсиядиз экъечIалди касди совхозда шофёрвал авуна.



Гъевчи стха Нурудин (1926-1981) «фашистрихъ галаз даяедавай стхайриз куьмекиз ихтиярце» келимайрин арза кхъиналди 1944-йисан февралдиз хушуналди даяедиз фена. Зур йисуз 124 стрелковый полкуна жергедин аскервиле, ахпа 64-полкуна снайпер яз вилегъвилелди кьулулгъна. 1945-йисан 3-февралдиз ам залан хер алаз 5417-нумрадин госпиталдиз аватна. Са бубат кIвачел ахкъалтай ам 1945-йисан 10-октябрдиз I-группадин набут яз комиссоватна. Эхиримжи йикъаралди касди даяедин хирерин азиятдив Къакарин хуьруьн клубдин директорвал авуна.

Эхирдай къейдин, баркаллу Исмаиловрин тухумда гъиле яракъ аваз душмандикай Ватан хвейи мад са шумуд иштиракчи ава. Месела, чпикай ихтилат авур стхайрин хайи хтул, хуьруьн муаллим, Зейнидин Азизагъаев. Ам 1944-йисуз армиядиз тухвана. Ереванда даяедин училище куьтягъна, автоматчикрин взводдин ва ротадин командир, Курскдин дугадин, Украинадин, Кавказдин ва Украинадин 4-фронтдин кьурулушдик кваз Польшадинни Чехословакиядин чилерал кьати женгера хъана. Даяе куьтягъ хъайила, старший лейтенант Зейнидин, «Яру гъед» ордендин, «Прага азад хъувунай», «Кавказ хуьнай», «Кьегъалвилай», Чехословакиядин «Вилегъвилей» медалрин сагъиб, уьзуьагъвилелди хтана, муаллимвилин кеспидив эхгечIна. Адакай Ялахърин школадин директор, Ахцегъ РОНОдин ва 40 йисуз Каспийскда чешнелу школа-интернатдин заведующий хъана. Халис муаллим яз, ДАССР-дин ва РСФСР-дин лайихлу муаллимвилин гъуьндур дережадиз акъатна. Эхъ, Исмаиловрин тухумдин муькуь рухварни чпикай тарифдин кьилди гафар лугъуниз лайихлу я.

СПОРТ

Абдулали Гъаниеван турнир 15 йисалай



Райондин Цийи спорткомплекса азадиз къуршахар къунай Дагъустан Республикада СССР-дин спортдин сад лагъай мастер Гъаниев Абдулали Мегъамедвелиевич рикълел хуьнин лишан яз 2010-2011- йисара дидедиз хъанвай жаванрин арада азадиз къуршахар къунай Дагъустан Республикадин кIвенкIвечивал патал турнир кьиле фена.

Разивилелди лугъун хьи, вичин вахтунда хъсан адетдиз элкьвенваз хъайи и кесерлу акъажунар гила 15 йисалай райондин кьил Абдул-Керим Палчаеван къарардалди ва ада финансрин рекъай куьмек гуналди, мад муниципалитетда кьиле тухуз эгечI хъуьна, сагърай!

Азадиз къуршахар къунай Дагъустан Республикадин кIвенкIвечивал патал турнир вичи заланвилдин гъар

жуьре категорийрай виридалайни хъсан жегъил пагъливанар кIватIай лишанлу вакъиа хъана. Кьиле фейи акъажунра Махачкъала, Избербаш, Хасавюрт шегъеррай, Мегъарамдхуьруьн, ЦIумада, Къаякент, Докъузпара, Рутул, Къарабудахкент, Цунти, Ботлих, Леваши ва Новолак районрай тир пагъливанри иштиракна.

КIвенкIвечивал патал гъалибчий-

ри ва призерри РД-дин образовани-един ва илимдин Министерстводин патай кубокар, медалар ва талукъ тир дережадин Гъуьрметдин грамотаар, гъакIни Палчаеврин хизандин патай пулдин пишкешар къачуна. Кьиле фейи акъажунар неинки спортдин сувар, гъакI Ахцегъ райондин, культурадин уьмуьрда важиблу вакъиа хъана. Идани района азадиз къуршахар къунин спорт гележегдани вилик финиз ва райондин итижар лайихлуказ хуьз алакьдай спортсменрин цийи несилар тербияла-мишуниз хъсан таъсирда.

Негъайайрай рахайтIа, Кьиблепатан Дагъустандин районрай тир агъадихъ галай спортсменар кIвенкIвечи чкайриз лайихлу хъана.

Ахцегъ райондай:

Кисриев Абдуселим – 2-чка (заланвал 85кг), тренер Садыхов Фейруз;

Гъажиев Тимур – 3 - чка (заланвал 57 кг), тренер Гъаниев Феряд.

Докъузпара райондай:

Саидов Ризван – 3 -чка (заланвал 44 кг), тренер Ж.Шихов.

Мегъарамдхуьруьн райондай:

Магъмудов Махач – 3-чка (заланвал 68 кг); Муртузалиев Али – 3-чка (заланвал 48 кг), тренер Р.Гъасанбегов.

Рутул райондай:

Дамуров Шамиль – 1- чка (заланвал 41кг); Мурсалов Алибег – 3-чка (заланвал 38 кг) ва Саидов Агъмед – 3-чка (заланвал 48 кг), тренер Х. Гъасанбабаев.

Гъалибвал къазанмишна



Алай йисан 25-майдиз Каспийск шегъерда азадиз къуршахар къунай школьникрин командайрин арада Суперлигадин турнир кьиле фена. Ада цIуд команди иштиракна. И акъажунра чи райондин «Ахцах» команда (тренер Ф.Гъаниев) Кабардино-Балкариядин «Гладиатор» командадин винел гъалиб хъана. Мубаракрай!

Район аваданламишунай сагърай!



Лумуна АГЪМЕДОВА

Алай вахтунда чи район ва Ахцегъар аваданламишун ва жематдиз яшайишдин къулай шартIар таъминарун патал «Ахцегъ район» МР-дин кьил А-К.Н. Палчаеван регъбервилек кваз хейлин кIвалахар тамамарзава. Ахцегъар исятда акъадайвал хъсанвилехъ дегиш жезва: цийи школярни аялрин бахчаяр, ял ядай паркар арадал атанва ва къвезва. Кьилди къачуртIа, къе чаз райцентрдин Къузай патан Юсуф Герейханован тIварунихъ галай куьчеда виликдай «Уьрар» лугъудай чкадал ял ядай парк арадал гъуникай суьгъбетиз кIанзава. Адан проекдикай чун ахпа рада. Алай вахтунда инсанри вуч лугъуза, абуру и проекдикай вуч гуьзлемишзава? лугъудай суалриз жаваб жагъуриз чун чкадал

фена. Халкъдин мисалда лугъузвайвал, «Чехи инсан авачтIа, чIехи къванцелни алуькьа». Чал и вирин къуншидал яшамин жезвай уьмуьрдин вири имтигъанрай лайихлуказ эгъечIнавай ва вичини яшайишдин девлетлу тежриба кIватIна, ам агалкъзавай несилдиз таз, жегъилар ватанпересвилини руьгъдаллаз тербияламишиз алахъзавай камаллу дишегъли, зегъметдин ветеран, машгъур Абдурагъман эфендидин хтул Эдиева Тайибат баде дуьшуьш хъана.

Адахъ галаз хъайи куьруь суьгъбет агъадихъ куь фикирдиз гъизва.

– Зун и кIвалера 1967- йисалай инихъ яшамин жезвайди я. Зун авай кIвалер, рагъметлу апая (итимдин бубади) 1959- йисуз гъа и виряй палчух акъудиз кирпичар атIана эцигайбур я, – башламишна вичин суьгъбет Тайибат бадеди.

– АкI хъайила вир инсанри кирпичар атIана арадал атанани?– суал гана чна адаз.

– Ваь, чан руш. Гъа девирдани а вир кардик квайди тир. А вахтунда и вирикай вирибуру менфят къачузвай. Анай агъалийри, пожарникри чпиз ишлемишдай яд тухузвай, нехирдик квай малари яд хъавазвай, аялриз гатун вахтунда им чуьхуьнагар ийидай, хуьтIугъ лагъайтIа цIуьдгъуьнар ийидай чка тир. А вахтунда вир михъини ийиз-

вай. Амма девирар къвез алатна. Хейлин йисара вичиз дикъет хгун техийизвай адакай веьки, нацIари ва зир-зибирли къунвай уьлен хъанай.

Гила лагъайтIа и вир михъи хъунва. За умудзавайвал, лап мукъвал тир гележегда адакай ял ядай багъ жеда. Ина бицIекар патал къугъунрин зонаяр тадаракламишда, куьсрияр, урнаяр ва чипкаар эцигда. Вири парк тирвал къелемар цада. Жегъилривай лагъайтIа, ина велосипедар ва самокатар гъализ жеда. Ам жегъилар, бадеяр ва чIехи бубаярни бицIекар патал активвилелди ва хийирлуказ ял ядай рикI алай чкадиз элкьведа.

Чухсагъул Абдул-Керим Нажмуудиновичаз: ам кьиле авай коллективдиз, адан дестедиз ва гъакIни гъвечIи Ватан аваданламишзавай жумарт, ватанперес рухвайриз – абур гайи гаф хуьдай инсанар я! Чаз абуру райондин мулкар къайдадиз хкун патал гъикъван кIвалахар ийизватIа, акъазва. Райондин акунар акъаз-акъаз хъсанвилехъ дегиш жезва.

Дугъриданни, адан гафарал рази тахъана акъвазиз жедач. Халкъди гузвай кимет виридалайни гъахълуди ва дуьзди я. Ахцегъ района хъсан патахъ кьиле физвай дегишвилер, гъакъикъатдани виле акъадайбур я. И жигъетдай Дагъустандин халкъдин шаир Хуьруьг Тагъирин гафар рикIел хъвезва: «Чи макандиз вуж атайтIани лугъуда: Ахцегъар – им Женнетдин пипI я».

Важно соблюдать требования законодательства



Во исполнение поручения прокуратуры республики от 29.01.2025г межрайонной прокуратурой с привлечением ОГИБДД МО МВД России «Ахтынский» и представителя ООО «Новатор» проведена проверка по вопросу расширения и капитального ремонта автомобильной дороги по ул. Ленина в с. Ахты, Ахтынского района.

Проверкой установлено, что состояние автомобильной дороги подъезд к с. Ахты от автомобильной дороги Магарамкент-Ахты-Рутул не соответствует требованиям федерального законодательства о безопасности дорожного движения и транспортной безопасности, в том числе при эксплуатации, содержании и ремонте автомобильных дорог и дорожных сооружений, их защищенности от незаконного

вмешательства и его возможных последствий.

В нарушение требований ГОСТ Р 50597-2017 «Национальный стандарт Российской Федерации. Дороги автомобильные и улицы. Требования к эксплуатационному состоянию, допустимому по условиям обеспечения безопасности дорожного движения. Методы контроля», утвержденным Приказом Росстандарта от 26.09.2017 № 1245-ст), на проезжей части на некоторых участках дороги по улице Ленина с. Ахты в результате износа дорожного покрытия образовались многочисленные выбоины (ямы), просадки, и иные повреждения, затрудняющие движение транспортных средств и пешеходов, а местами отсутствует дорожное полотно.

По результатам проверки, в целях устранения выявленных нарушений закона руководителю ГКУ «Дагестанавтодор» Республики Дагестан внесено представление, которое рассмотрено и удовлетворено.

Проведена проверка

Межрайонной прокуратурой в рамках надзорных мероприятий в связи со случившимся ландшафтным (природным) пожаром 15 марта 2025 года в окрестности населенного пункта с. Хрюг Ахтынского района проведена проверка исполнения законодательства в сфере охраны лесов от пожаров. Проверкой установлено, что администрацией сельского поселения требования Федерального закона № 69-ФЗ от 21.12.1994 «О пожарной безопасности», а также Федерального закона от 06.10.2003 № 131-ФЗ «Об общих принципах организации местно-

го самоуправления в Российской Федерации» не исполняются.

В ходе проверки выявлены нарушения правил пожарной безопасности в границах населенного пункта сельского поселения. По результатам проверки межрайонной прокуратурой в адрес главы сельского поселения внесено соответствующее представление об устранении нарушений федерального законодательства, которые рассмотрены и удовлетворены, нарушения устранены.

Ахтынская межрайонная прокуратура

Внесены изменения в Закон РФ «О защите прав потребителей»



Федеральным Законом от 07.04.2025 № 69-ФЗ статья 16 Закона Российской Федерации от 7 февраля 1992 года № 2300-1 «О защите прав потребителей» дополнена пунктом 3.1, согласно которому продажа дополнительных товаров (выполнение дополнительных работ, оказание дополнительных услуг) за отдельную плату осуществляется продавцом (исполнителем, владельцем агрегатора) исключительно с согласия потребителя. Потребитель вправе потребовать от продавца (исполнителя, владельца агрегатора) возврата уплаченной денежной суммы за проданные без его согласия дополнительные товары.

Запрещается навязывание потребителю дополнительных товаров (работ, услуг) за отдельную плату путем предложения потребителю до заключения договора о приобретении основных товаров (работ, услуг) приобрести дополнительные товары (работы, услуги) или заключить иные договоры, приобретение или заключение которых обусловливается обязательностью

при приобретении основных товаров (работ, услуг).

Потребитель вправе отказаться от оплаты навязанных дополнительных товаров (работ, услуг), а если они оплачены, вправе потребовать от продавца (исполнителя, владельца агрегатора) возврата уплаченной денежной суммы. При этом такое требование потребителя о возврате уплаченной за навязанные дополнительные товары денежной суммы подлежит удовлетворению в течение 3 дней со дня предъявления указанного требования.

Согласие потребителя на приобретение дополнительных товаров (выполнение дополнительных работ, оказание дополнительных услуг) за плату оформляется продавцом (исполнителем, владельцем агрегатора) в письменной форме, если иное не предусмотрено законом. Обязанность доказать наличие такого согласия или обстоятельства, в силу которого такое согласие не требуется, возлагается на продавца (исполнителя, владельца агрегатора). Новшества вступают в силу с 01.09.2025.

315 военная прокуратура гарнизона

Мавлид ва шейх Исамудин Эфендидин жавабар

Дашдемир ШЕРИФАЛИЕВ

Мавлид! Мегъамед пайгъамбар (Аллагъдин салават ва салам хъуй вичиз) дуъньядал акъалтунин гъакъиндай къурмишзавай диндин шад ва гурлу межлис. Адет яз, ам мусурманрин календардин 3 - вацран 12 - юкъуз кыле тухузва. Саки гъамиша кыле тухунни хъсан яз гъисабзава, вучиз лагъайтла Ислам диндин члехи пай алимри мавлид Аллагъдиз лап хуш, лайихлу мярекат тирди тестикулярзава. ГъикI хъи, мавлид – им Мегъамед Пайгъамбар (с.а.с.) кланарзавай, адан уьмуьрдикайни диндин илимдикай чирвилер гузвай ва жемят эдеб-ахлакъдин жигъетдай тербияламишзавай важиблу мярекат я.



Анал дингъилийри, санал клватI хъана, алимрин вяз-насигъатрихъ яб акалзава, Къурандин аятар ва дуьаяр клелзава, Пайгъамбардин (с.а.с.) уьмуьрдикай рахазвай, тарифарзавай нашидар лугъузва, санал фу незва, капI-тлеат ийизва. Куьреллда иштиракун, ана инсанар Аллагъдин дуьз рекъел гъизвайвилай, еке суваб я. Пайгъамбардин (с.а.с.) тIварцел ва гъуьрметдай кыле тухузвай ихътин берекатлу межлис Аллагъ патал лап члехи садакъа язни гъисабна, дингъилийри ара-ара мискинрани медресейра ва чпин клвалерани тешкилзава.

Хъсан адетдиз элкъенвайвал, гъар гъафтедин кишдин юкъуз Ахцегъа хуьруьгви арабист-алим Гъажикерималидин тIварунихъ галай медреседани мавлидар тешкилзава. Аниз кыле **Ахцегърин Жуьмя-мискиндин имам Абдулашим гъажи Абдулгъашумов, медресадин муаллим Ширинбег гъажи Мирзоев** аваз цIудралди чкадин ругъанияр ва мугъманар клватI жезва. И мукъвара гъахътин са мавлиддиз теклифнаваз фейила, ана Дербентдай вичин гъилибанарни галаз атанвай **устаз, шейх Исамудин Эфендин** авай. Къейдин, Ахцегъ дингъилийрихъ галаз дуствилин сих алакъайра авай ам ина мукъвал-мукъвал жезвай багъа мугъман я. Талуьк тирвал, ахцегъви муьмин стхаар адан патав Дербентдин Бабульабваб мискиндинизни къвез, абуру санал мавлидар кыле тухузва.

Мавлиддин адетдин паярилай

къулухъ, анал суал-жавабдин те-гъердин суьгъбетарни хъана. Агъадихъ чна куь фикирдиз межлисдин иштиракчийрин бязи суалриз шейх Исамудин Эфенди Саидова ганвай жавабар гъизва, буюр.

– Аллагъдихъ агъунвай гъакъикъи дингъили, мугъмин вуж я лагъайтла, ам эдеблу кылихрин ва вичин фикирарни крар сададавай гъакъат тийизвай, гъар юкъуз садакъадалди ва я хъсан краралди масадан гъил къазвай, клевайдакай фикирзавай инсан я. Садакъа – им анжах са пул ва я маса са шей гун туш, гъелбетда, я вирибуруз ахътин мумкинвални авач. Месела, садан садакъа Аллагъ патал меселди (тарс, тербия, насигъат гуналди), кесиб касдин садакъа гъилелди (вичелай алакъдай са кар авуналди), девлетлудан садакъа пул, рузи гуналди я. Ахътин мусурманди инсанар вичелди чIугвада ва чпини адан патав чуькъвена хъиз гъиссдач.

– Чи капI-тлеат Аллагъди къабулуникай, къабул тавуникай вуч лугъуз жеда?

– Гъелбетда, и кар рагъимлу Аллагъдиз хъсан чида. Амма чазни чир хъана ва чпел амална клани крар ава. Мегъамед пайгъамбардин (Аллагъдин салават ва салам хъуй вичиз) гъадисра къейднавайвал, инсанди Аллагъдин члехивал чиз, дуьздаказ ийизвай капI къабул я. Гъариб кас мугъманвиле къабулзавай, вичин девлет ва алакъунар масадахъ галаз пайзавай касдин ибадатдин дережани пара еке я. Гъа са вахтунда рикIин сидкъидай

тушир, яни масабуруз къалурун патал тир ва рикле чIуру ниятар аваз ийизвай капI къабул жедач. ГъакI чарадан эменни-мал вичиз къунвай, чарадан ихтиярар къакъуднавай, закят тагузвай, ихтиярсуз крарик къил кутазвай, вичин нефсинин рабатвализ тежезвай ксарин капI-тлеатни гъаваян я. Са чIалал, капI-тлеат, ибадатар Аллагъди къабул тавун инсандин еке бедбахтвал я, гъавилай чун мукъа-

ят хъана кланда. Алава хъийин, Аллагъди пуд жуьре инсанрин дуьа фад къабулда: дидедин, зулумдик квайдан ва гъариблу касдин.

– Лугъузвайвал, мусурман динда 73 хел ва темягъ фидай гъар жуьре затIар-крар ава. Ихътин гъалара гъалатI тахъана, дуьз рехъ гъикI жагъурда?

– Аллагъдихъ инанмиш, имандал мягъкем касдиз Ислам диндин дуьз рехъ асантидиз жагъида. Абдулла ибн Аббаса агакъарнавай са гъадисда Пайгъамбарди (Аллагъдин салават ва салам хъуй вичиз) лагъанва хъи, «Эй инсанар, куьн гъакъикъи дуьз рекъай акъят тавун патал за къвез къве затI тунва, им Аллагъдин ктаб (Къуръан) ва Адан Пайгъамбардин (Аллагъдин салават ва салам хъуй вичиз) Сунна я, Гъабурал амал ая».

Маса са гъадисда лагъанва хъи, «Аллагъди зи уммадин члехи пай ягъалмишвиле твадач, ва гъакъикъатда Ада мусурманрин члехи паюниз куьмекда. Амма вуж абурукай къерехдиз къакъатайтIа, ам Жегънемдиз фида».

И гъадисрай аквазвайвал, гъакъикъи дуьз рехъ – им чи Пайгъамбардин (Аллагъдин салават ва салам хъуй вичиз) сихилдин, мусурманрин члехи пай алимри къунвай ва Суннадивни дуьз къвезвай рехъ я. Ам жагъурун патал, гъелбетда, Къуръан клелна, иман, игъсан, гъакъида чирун хъсан я. И кар патал, Аллагъдиз шукур хъуй, чаз алимарни муаллимар ава.

– Бес за экуьнахъ вирт тIуьрди тир эхир, тIал атIаначир,- хтана ихтилатда ада вич духтурдин кылив ракъурай касдиз.

– Ваз гъа духтурдин гъиликай хийир-шфа ава ва духтурдизни вуна гудай пулдикай. Бес духтурарни Аллагъди инсанриз куьмекун патал халкънава эхир, – камаллу жаваб гуда касди.

Фестиваль-конкурс кыле фена



Таира МУСПАГЪОВА

И мукъвара Ахцегъ райондин культурадин управлениедин тамашачийрин залда "Чан алай адетар" тIвар алай республикадин дережадин фестиваль - конкурс тухвана. Ам Дагъустан Республикадин халкъдин артист Дурия Рагъимова рикел хуьниз ва Россиядин Президент Владимир Путинан къарралди малумарнавай " Ватан хуьзвайбурун йисаз" талуькарнавай. Мярекат республикадин культурадин Министерстводин, халкъдин яратмишунрин КIвалин ва Ахцегъ райондин администрациядин къаюмвилик кваз кыле фена. Фестивалдин иштиракчийри "Гъалибвили манияр", "Зи Дагъустан", "Зи Россия" номина-

цийрай чпин алакъунар къалуруна. Инал тебрикдай сифте гаф гъаз Ахцегъ райондин кылин заместитель Роберт Гъамзаев экъечIна. И серенжем вини дережада аваз тешкилунай Ахцегъ райондин кыл Абдул - Керим Палчаев Дагъустан Республикадин культурадин министр Зарема Бутаевадин къул алай Чухсагъулдин чарчиз лайихлу хъана.

Райондин искусствойрин школадин тербиячийри тамамар авур къуьлуьни ва конкурсдин иштиракчийри еке гъевесдивди лагъай манийри тамашачийрик еке шадвал кутуна. Серенжемда Ахцегъ, Докъузпара, Мегъарамдхуьрун, Къурагъ ва СтIал Сулейманан тIварунихъ галай районрин, Луткунрин хуьруьн манидарри ва дестейри иштиракна. Конкурсантрин алакъунриз кыле адан председател Раисат Ибрагъимова авай жюриди кымет гана. Жюридин членрин арада машгур манидар рагъметлу Дурия Рагъимовадин руш Ягут Хандадашевани авай. И мярекатдал конкурсдин гъакъиндай Положениедин вири истемишунрив къадайвал манияр тамамарай адан иштиракчийра гъалиб хъана.

Лапагдин як – Дагъустандин бренд



Дагъустанда ихътин са мисал ава «Эгер чубандиз клан хъийитIа, ада къунакайни ниси хкулда». Эхъ, чубанрин зегъмет регъятди туш ва ада малдардивай азиятризни килиг тавуна вири четинвилер алудун истемишзава. Хипехъанвал дагълух Дагъустандин экономикадин кылин хел я. Им неинки вичин хизандиз, гъакI вири жемятдиз тIуьнгуз, пек партал алукIиз алакъдай къуватлу инсандин уьмуьрдин къамат я.

1995-йисуз «Калукрин СОШ» МКОУ куьтягъавилин гъакъиндай **ВЕЛИХАНОВ Исейхан Мурадханович**з ганвай А 029838-нумрадин аттестат квахънава. **АДАЛ АМАЛ АЛАМАЧ.**

ПОДПИСКА

2025-ЙИСАН II-ПАЙ ПАТАЛ

«ЦИЙИ ДУЬНЬЯ»

ГАЗЕТ КХЪИЗ БАШЛАМИШНАВА

Ругуд варз патал почтадай газет кхъинин кымет 313,08 манат, йис патал 626,18 манат я.

Редакциядай ва я киоскдай квевай чи газет, гъа виликдай хъиз 250 манатдай кхъиз жеда.

Играми районгъилияр! Чна квез хайи «ЦИЙИ дуьнья» газет кхъиниз эверзава. Икърардин бинедаллаз подпискадин пул редакциядин счетдиз ягъайтIани жеда. Газет кхъин 20-июналди давам жезва.

Чи реквизитар: ИНН - 0504007157 КПП - 050401001 Р/СЧЕТ - 4070181700001000026 Л/СЧЕТ - 2003Ш29490 БИК - 048209001

Духтурдин гъиликай куьмек хъана

"Шерифали бубадин насигъатар" ктабдай

Са касдин руфун къутанвай. «Вири Аллагъдин гъиле ава. Пал гузвайдини вахчузвайдини Гъам я» лугъуз, духтурдин патав физвачир. Эхирни къатламиш тахъайла, мажбур жеда духтурдин кылив финиз. Духтурдини адаз са тIурунавай вирт гуда. ТIуьнмазни тIал атIуда.

ЦИЙИ дуьнья
(Новый мир)

Учредитель:
Администрация
муниципального района
"Ахтынский район"
Главный редактор
Д.Ш.ШЕРИФАЛИЕВ

Газета перерегистрирована Управлением федеральной службы по надзору в сфере связи, информационных технологий и массовых коммуникаций по РД 22 января 2019 г. Регистрационный номер ПИ № ТУ 05-00401.

Позиция редакции может не совпадать с точкой зрения авторов, которые несут ответственность за достоверность и объективность предоставленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Адрес редакции и издателя:
368730, РД, Ахтынский район,
с. Ахты, ул.Герейханова, д.33.

Телефон главного редактора
8(988)-654-59-49

Электронная почта газеты:
newworld1928@mail.ru

ИНДЕКС 63312
Газета «Новый мир» отпечатана в
ООО «Типография-М» по адресу: г.Дербент,
ул.С.Курбанова, 25. Электронная версия газеты
на сайте www.akhty.ru

По вопросам качества печати обращаться
в типографию ООО «Типография-М»

Время подписания в печать по графику 14.00.

Подписано в печать 14:00

Газета выходит 52 раза в год.

Тираж 1550 экз.

Заказ № ____